



UNIVERSITÄTS-  
BIBLIOTHEK  
PADERBORN

# **Geschichte der geistlichen Stiftungen, der adlichen Familien, so wie der Städte und Burgen der Mark Brandenburg**

[Urkunden-Sammlung für die Orts- und spezielle Landesgeschichte]

**Riedel, Adolph Friedrich**

**Berlin, 1861**

LXI. Markgraf Ludwigs Privilegium über die Holzungs-Gerechtigkeit in der Werbellinschen Heide und alle Rechte der Stadt Prenzlau, vom Jahre 1324.

---

---

**Nutzungsbedingungen**

[urn:nbn:de:hbz:466:1-55721](https://nbn-resolving.org/urn:nbn:de:hbz:466:1-55721)

LX. Markgraf Ludwig bestätigt die Stadt Prenzlau, am 12. October 1324.

Ludowicus, Dei gratia Brandenburgensis et Lusatiae Marchio, Comes Palatinus Rheni, Dux Bavarie, Sacri Imperii Archicamerarius, fidelibus suis et dilectis Consulibus atque universis Burgenfibus Civitatis Primslaw presentibus et futuris suam gratiam et ad perennem memoriam subscriptorum. Ad hoc vestre fidelitatis indefessa ac pura constantia nostrum provocat animum, ut ea, que vestri status commodum atque utilitatem conspiciunt, sedulo, intrepide sinceris ac promptis voluntatibus cum Executione operis efficacis efficaciter prosequamur. Rationabilibus ergo vestris requisitionibus atque instantiis supplicibus inclinati, universa vestra insuper civitatis vestre predictae jura, libertates, possessiones, proprietates, donationes, Gratias approbatas, Confectudines atque immunitates, quibus vos et Civitas decorati dinoscimini et muniti, insuper Privilegia vestra et instrumenta vobis ac civitati per nostros predecessores Marchiones quondam Brandenburgenses super premisis juribus, possessionibus, proprietatibus, Donationibus atque immunitatibus seu super quibuscunque Contractibus indulta et concessa, prout ea vobis rationabiliter concessa sunt, approbamus et ratificamus nec non presentis pagine patrocino confirmamus. Hujus nostre approbationis, ratificationis atque Confirmationis testes ad hoc specialiter rogati sunt spectabilis Vir Dominus Bartholdus de Henneberg, Nobilis Vir Dominus Hinricus de Schwartzborch, Comites, amici nostri et Consanguinei, Honorabilis Vir Segerus Prepositus Stendaliensis, Tidericus de Kerkow et Bartholdus de Buft, milites nostri fideles, cum aliis fide dignis. In premisorum omnium et singulorum firmitatem perpetuam nostro Sigillo muniri iussimus prefens scriptum. Nulli ergo omnino hominum fas sit hanc paginam nostram infringere, vel ei ausu temerario contraire. Si quis vero hoc attemptare presumerit, is nostra noverit gratia se exclusum. Datum Konigsberg per manum Hermanni de Luchow, Anno Domini MCCCXXIII, sexta feria proxima ante diem beatorum Galli et Lulli.

Nach dem Copialbuche der Brestl. Bibl. J. F. 31. Blat: 55—57.

LXI. Markgraf Ludwigs Privilegium über die Holzungs-Gerechtigkeit in der Werbellinischen Heide und alle Rechte der Stadt Prenzlau, vom Jahre 1324.

Ludowicus, Dei gratia Brandenburgensis et Lusatiae Marchio, Dux Bavarie, Romani imperii Archicamerarius, tenore presentium recognoscimus protestantes, quod obedientiam, diligentiam servitiumque speciale a fidelibus nostris Consulibus et universis Burgenfibus nostre Civitatis Primpslaw Serenissimo Principi ac Domino, Domino Ludewico Romanorum imperatori, Patri nostro nec non nobis impensas, nobis, nostris heredibus et successoribus impendendas, confortationem auxilium et Confirmationem predictae Civitatis nostre pensantes, defectum, injuriam et desolationem nostre Civitatis Primslaw advenire timentes, patris nostri ex deliberato ipsius ac nostrorum Consiliariorum fidelium consilio, predictam nostram Civitatem gratiose intuebamur, nostris fidelibus, dicte

Civitas Primpslaw Consulibus et universis illius civitatis Burgenfibus tam presentibus quam futuris damus et eis perpetuis temporibus appropriamus libertates cum appropriationibus infra scriptis infragabiliter observandas, videlicet quod possunt ex nostra merica, que teutonice dicitur die Werbelinsche Heyde ligna ad singula nostre predictae civitatis edifica Secare, deportare et in usum convertere quoties indigent et ipsis videbitur expedire, nostro, nostrorum heredum, Successorum et omnium officialium nonnullo sine impedimento et volumus dictos nostros Consules et Burgenfes ab omnibus redditibus pro his lignis pertinentibus nobis, nostris heredibus et Successoribus et Officialibus integraliter quitos habere et solutos. Item eisdem donando appropriamus unum liberum transitum aque supra Ukeram inter dictam Civitatem nostram Primpslaw et Pasewalk. Item fidelibus nostris et Civitati prenarrate tribuimus appropriatum hoc, quod nos, nostri heredes, Successores nostri, Officiales, neque alii quicumque in nostra terra Ukera novum Castrum nec aliquid, quod teutonice Berchfrede dicitur, edificare debent in distantia trium miliarum a nostra Ciuitate sepedita Primpslaw, nisi cum nostrorum consulum dicte Civitatis nostre fecerint beneplacito et voluntate. Si autem quis contrarium facere presumpserit in dicta terra nostra Ukere ex tunc dictis nostris Consulibus et universis dicte Civitatis nostre Burgenfibus plenam nostram ipsius attribuiamus voluntatem, quatenus debent et possunt ex nostra appropriatione illa ligna illorum edificiorum et singula cum quibus edificatur frangere, Comburare, deportare et cum his facere, quod eorum libet voluntati. Insuper si iam talia edificia forent edificata, illa possunt cum omnibus ipsorum munimentis funditus destruere et penitus annihilare et nihil contra nos, nostros heredes aut successores, officiales et contra edificantes nec contra quemcunque excedere debent nullo modo. Cum hoc volumus et promittimus pro nobis, nostris heredibus et successoribus predictos nostros Consules et Burgenfes civitatis nominate in illa gratia obtinere eosque totis nostris viribus defendere. Et si nosmet in Marchia non esse contigerit, tunc nostri Capitanei sive officiales Ceteris nostris cum Vasallis et Civitatibus nostre civitatis prefate Consulibus et Burgenfibus fideliter debent adjuvare et seriose cooperare, ut illa edificia nova vel Castra totaliter desolentur. Ceterum dilectis fidelibus nostris Primslavienfibus Ukaram appropriamus cum influxu. Item appropriatum eis donavimus unum liberum transitum Pramorum et Vazelorum intra Primpslaw et Stegelitze, nostro et nostrorum omnium fidelium Vasallorum et Officialium sine impedimento. Item eisdem Consulibus ac universitati iudicem feudalem appropriamus, qui nostrorum Civium Civitatis Primslaw concivis fore debet et cum eis in dicta nostra civitate commorari. Eidem iudici omnes Causas nec non singulas diffensiones de Alto et de Basso in dicta Civitate et metis ejus cum jure seculari appropriamus discutendas, unde nobis, nostris heredibus aut successoribus rationem faciet, cum justitie complemento. Volumus etiam dietis nostris Consulibus et Burgenfibus appropriatum habere, quod nullibi preterquam in metis dicte civitatis juri subesse debent, nisi de operibus manufactis. Item consulibus et Burgenfibus predictae civitatis appropriamus jus Magdeburgenfe, in quo dicta nostra civitas incepta est et constructa et frui debet eodem iure et dissolvi. Item consules et burgenfes nominate Civitatis in omnibus Marchie civitatibus preterquam de bonis saltatis ab omni theolonio liberi esse debent et quiti. Insuper eis appropriamus omnes libertates supra scriptas et appropriationes quascunque ab aliis nostris predecessoribus principibus eis datas et Concessas, a nobis, nostris heredibus et successoribus inviolabiliter observari, inhibentes omnibus nostram, nostrorum heredum et successorum voluntatem facere volentibus, quod nostros consules et burgenfes nostre Civitatis Primpslaw in nullo prescriptorum articulorum impediant nec oppositionem facere presumant. Quod si quis de nostris vel aliis quibuscunque agere attentaverit, ille in nostram indignationem fore se agnoscat indubitanter,

quousque nostris predictis Consulibus predictae civitatis satisfaciet cum effectu et volumus nos nostri heredes et successores cum omnibus nostrum favorem habere volentibus circa prefatam nostram civitatem manere et eam in Singulis prescriptis articulis et in quolibet illorum divisim, tanquam iniuriam proprie persone nostre factam vindicare et etiam dictam communitatem in omni sua iustitia observare, prout omnes articuli supra scripti et quilibet illorum seorsim a nobis, nostris heredibus et successoribus, nec non ab omnibus favorem nostrum habere desiderantibus integre compleantur et inviolabiliter observentur. Ideo Sigillum nostrum cum Sigillo Gunteri et Ulrici, nobilium Comitum de Lindow, favorabiliter presentibus sunt appensa, pro quibus patri nostro, nec non nobis, cum prompta summa pecunie videlicet cum XXI marcis argenti Brandenburgensis ponderis et aliis Servitiis specialibus integre satisfecerunt. Datum Spandow, Anno domini M<sup>o</sup>. CCC<sup>o</sup>. XXIV<sup>o</sup>., presentibus nobilibus Guntero et Ulrico, Comitibus de Lindow, Alberto de Klepetz, Heinricho de Stegelitze, Hermanno de Redern et Hermanno de Wolcove, militibus, nec non multis aliis nostris fidelibus.

Nach dem Copialbuche der Brest. Bibl. J. F. 34, Blatt 58-62. Buchholz V. 44.

LXII. Markgraf Ludwig bestätigt dem Kloster der Minoriten in Prenslau seine Grundstücke, i. J. 1324.

Lodewicus, dei gracia brandeburgensis et lusacie marchio, palatinus reni, Dux Bauarie, sacri imperii archicamerarius, fratribus minorum prenslauie consistentibus gratiam suam et omne bonum. Omnia privilegia et sancita tam ea, que ad vestri monasterij aream, que se extendit a monasterij plathea usque ad ciuitatis murum inclusiue per vos, vestris expensis erectum, quam etiam ad fossatum pro cameris priuatis ibidem vestro pro vsu libere quocunque vel qualitercunque construendis et ortum usque ad paludem secundum longitudinem claustralis aree, vobis ab olyn pie indulta, concessa et donata a nostris antecessoribus Marchionibus Brandenburgensibus, Renouamus, immouamus et innouata nunciamus per presentes eadem libertate et iure dotantes, quo a dictis nostris antecessoribus fratres antedicti virtute priuilegiorum ipsis concessorum dotati existunt ab olyn ut presertim eciam vobis nunc plene concedentes iuxta formam litterarum eorundem, quas vobis omni ex parte et irrefragabiliter in salutis nostre salubre augmentum seruare volumus illesas, addicientes nihilominus, ut semitam quandam cum propugnaculo ratione periculorum et gwerrarum crebrescencium et ingruencium ob nostre ciuitatis tuicionem ampliorem ciuibus indulgeatis, residuum vero spacij vestro cedat vsui secundum gracias superius concessas. Verum ne videamur antecessorum nostrorum priuilegia infregisse murum per vos erectum ciuitas vltterius edificeet vobis in recompensam. Datum prenslauie, Anno domini M<sup>o</sup>. CCC<sup>o</sup>. XXIII<sup>o</sup>., nostro sub appendente sigillo.

Nach Beckmann's Abschrift des Originals.